

## 21.02.2018 - Wupisanje džěłowego městna: kulturne wědomosće

W Serbskim instituće w Budyšinje ma so wobsadzić we wobłuku spěchowanskeho programa SMWK za humanistiske wědomosće 2018–2020 z čěžišćom: „1918 – šifra za změnu a započatk“

najzašo wot **1. apryla 2018**  
městno wědomostneje sobudźěłaćerki/wědomostneho sobudźěłaćerja  
we wotrjedže kulturne wědomosće

z 65 % regularneho džěłowego časa (pod wuměňjenjom přizwolenja financnych srědkow).  
Přistajenje je časowje wobmjezowane hač **do 31. decembra 2020**. Mzda płaći so po TV-L (E13, 65%), jeli su wosobinske wuměňjenja date.

Wobdźěłarka resp. wobdźělar wupisaneho městna wobdźěła džělny projekt we wobłuku na Serbski institut zawjazaneho slědźerskeho předewzaća „Serbska Łužica – rupy a sony narodneje mjeńšiny wot 1918 do dzensnišeho“. W srjedźišću džělneho projekta steja počahi mjez čłowjekom a přirodu w Hornjej a Delnjej Łužicy, kotrež maja so z pomocu w kulturnych wědomosćach nałožowanych metodach zwěsćić a analyzować.

### nadawki:

- wobdźěłanje swójskeho projekta w interdisciplinarnym slědźerskim teamje
- wudźěłanje přednoškow a publikacijow
- wobdźělenje na koncipowanju a přewjedženju workshopow a konferencow

### wuměňjenja:

- znajmjeńša wotzamknjeny wysokošulski studij (magister, master) w empiriskim kulturnym slědženju, literarnej wědomosći, europskej etnologiji, socialnowědomostnej geografiji abo podobnym předmjeće
- nazhonjenja a znajomosće metodow w kulturnowědomostnym slědženju
- zwólniwosć ke kooperatiwnemu slědženju
- znajomosće hornjo- abo delnjoserbšćiny abo druheje zapadosłowjanskeje rěče; zwólniwosć, sej serbsku rěč přiswojić
- jara dobre znajomosće jendželšćiny

Městno skići móžnosć wědomostneje kwalifikacije, přerjorjadnje w ramiku promocije. Při samsnej kwalifikaciji so na čězko zbrašenych we wosebitej měrje kedźbuje.

Požadanja ze zwučenymi podložkami a koncept za projekt zapodajće prošu jenož přez e-mail z pdf-ku hač do **15. měrca 2018** na direktorat Serbskeho instituta, Dwórnišćowa dróha 6, D-02625 Budyšin, si@serbski-institut.de. Tež požadanja, kotrež pozdžišo dóndu, so wobkedźbuj, jeli džěłowe městno hišće wobsadźene njeje.

Rozmołwy z kandidatkami/kandidatami přewjedu so najskeje 27. měrca 2018.